

Naalackersuisut Namminersorlutik Oqartussat aktiaateqarluni ingerlatseqatigiiffutaanni akissarsiaqartitsisarnermut politikkiat pillugu kaajallaasitaq

Atuuffia

§ 1. Kaajallaasitaq manna Namminersorlutik Oqartussat aktiaateqarluni ingerlatseqatigiiffutaanni siulersuisunut akissarsiassanik aalajangersaanermut atuuppoq.

Akissarsiassanik inassuteqarnerit akuersissuteqarnerillu

§ 2. Namminersorlutik Oqartussat aktiaateqarluni ingerlatseqatigiiffutaanni akissarsiassat qaffasissusaat kaajallaasitami ilanngussaq 1 malillugu Naalackersuisunit aalajangersarneqartarput.

Imm. 2. Akissarsiat qaffasissusaat matumunngalu allannguutit ataatsimeersuarnermi akuerineqassapput.

Imm. 3. Naalackersuisut pisuni immikkut ittuni, pissutsit tamatumunnga pissutissaqartitsippata akissarsiat qaffasissusaannit allannguutininik aalajangiisnaapput.

Akissarsiassat annertussusissaannik aalajangersaasarnermut politikki

§ 3. Aktianik ingerlatseqatigiiffinni Namminersorlutik Oqartussat pigisaanni akissarsiat qaffasissusiisa ilaasortat inuussutissarsiutigalugu ilaasortaasut aamma piginnaasallit tigungmiinnarneqarnissaat qulakkiissavaat aammalu piginnaasanik nutaanik ingerlatseqatigiiffinni siulersuisuini pisariaqartinneqartunik sulisussarsiornissamut tunngavissuussallutik. Taamatuttaaq akissarsiat kajumissuseqarnissamut siunissamik ungasinnerusumi aktiaateqarluni ingerlatseqatigiiffinni Namminersorlutik Oqartussat pigisaanni naleqarnerulersitsinissaq qulakkiissavaat.

Imm. 2. Akissarsiat qaffasissusiat siulersuisut akisussaaffiini, piginnaasaanni aamma piffissamik atuineranni takussuserneqassasut, taamaaliornikkut akissarsiat qaffasissusiat naammaginarloq unammillersinnaasorlu pigiinnarneqarsinnaammat.

Imm. 3. Suliat amerlanerulernerat tamatumalu kingunerisaanik siulersuisut siulittaasuannut, siulittaasumut tullersortimut aamma kukkunersiuinermik ataatsimiititaliap sulineranut siulittaasumut aarlerinaatit annertunerulersut akissarsiatigut takuneqarsinnaassapput.

Imm. 4. Siulersuisunut akissarsiat suliat suogaluartulluunniit nalinginnaanerat aamma suliat annertussusiat sinnernagit kiisalu ingerlatseqatigiiffinni aningaasatigut inissisimaneq sinnerlugu amerlassuseqassanngillat.

Imm. 5. Akissarsiat qaffasissusaat ingerlatseqatigiiffinni allani assersuuffiqarsinnaasuni qaffasissutsit naapertorlugit nalimmassarneqassapput, taamaaliornikkut akissarsiat qaffasissusaat suliffeqarfanni qaffasinnerpaajunnaarlugit.

Imm. 6. Akissarsiat qaffasissusaat Naatsorsueqqissaartarfiup januar 2008-mi naleqqersuummik 100-mik nioqqutissanut kiffartuussinernullu tamanut akinut kisitsit iluarsuissutaa malillugu ukiut tamaasa iluarsineqartarput. Iluarsuissut januarimut kisitsit akinut iluarsuissutaasoq malillugu naatsorsorneqartarpoq tusindenullu qaninnerpaanut akunnaallisarneqartarluni.

Akissarsiat allat

§ 4. Namminersorlutik Oqartussat aktiaateqarluni ingerlatseqatigiiffutaat Namminersorlutik Oqartussat akitaateqarluni ingerlatseqatigiiffutaanni siulersuisuni ilaasortanut akissarsiat aalajangersimasut saniatigut allanik akissarsiaqartitsisinnaanngillat, taamaattorli imm. 2 aamma 3 takukkit.

Imm. 2. Siulersuisut kukkunersuinermit isumannaallisaanermilluunniit ataatsimiititaliamik pilersitsimappata, ataatsimiititaliami taamak ittumik ilaasortat, siulersuisuni ilaasortat nalinginnaasumik akissarsiaasa 15 %-iannik sinneqanngitsunik aalajangersimasunik tapeqartinneqarsinnaapput (ataatsimiititaliamiinnermi akissarsiat), taamaattoq tak. imm. 3.

Imm. 3. Kukkunersuinermit ataatsimiititaliami isumannaallisaanermulluunniit ataatsimiititaliami peqataanermi, ataatsimiititalianiinnermi marloriaammik akissarsiaqartoqarsinnaannglaq.

Ukiumoortumik nalunaarusiami akissarsiat pillugit paasissutissat

§ 6. Ukiumoortumik nalunaarummi maannakkut siulersuisuusut aamma siulersuusimasut akissarsiaat tamaasa ingerlatseqatigiiffiit Namminersorlutik Oqartussanit pigineqartut tamarmik nalunaarutigissavaat.

Imm. 2. Ukiumoortumik nalunaarusiaq ingerlatseqatigiiffup nittartagaani takuneqarsinnaassaaq.

Atuutilersinneqarnerani, ikaarsaarnermi, atorunnaarsitsinisamilu aalajangersakkat

§ 7. Kaajallaasitaq manna ulloq 1. juuni 2026-mi atuutilissaaq.

Imm. 2. Kaajallaasitaq manna kaajallaasitap atuutilernerata aalajangiiffigineqareerneratigut akissarsianut atuutilissaaq.

Imm. 3. Ilutigisaanik Naalackersuisut Namminersorlutik Oqartussat aktiaateqarluni ingerlatseqatigiiffutaanni akissarsiaqartitsisarnermut politikkiat pillugu kaajallaasitaq nr. 25, 9. maaji 2024-merssoq atorunnaarpoq.

Naalackersuisut Siulittaasuata Naalackersuisoqarfia, ulloq juuni 1.-at, 2026

Naalackersuisut Siulittaasuut
Jens-Frederik Nielsen (atsior)

/ Hans-Peder Barlach Christensen (atsior)

Namminersorlutik Oqartussat

Imaneq 4

3900 Nuuk

E-mail: nsninarsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut